

vobis, quod donationem villae Dubeniz cum allodio et suis attinentiis omnibus, quam Gotschalcus nomine Kasebiz ministerialis Misnensis de consensu et permissione marchionis Misnensis et landgravii Thuringiae tutoris eius contulit ecclesiae sanctae Crucis apud civitatem Misne, eidem ecclesiae auctoritate regia confirmamus, licet eadem bona ipse G. a nostra serenitate habuerit et a manu nostra donatio eadem fieri debuisset, mandantes et sub interminatione gratiae nostrae praecipientes, ut nullus sit qui praefatam ecclesiam super iam dicta donatione audeat impedire vel gravamine aliquo molestare. Datum apud Nurenberc XIII. Kal. Augusti indictione XII.

Copialb. fol. 13.

No. 392c. 1224. 1. Dec.

*Landgraf Ludwig von Thüringen in Vormundschaft seines Neffen des Markgrafen Heinrich bezeugt, dass Ritter Heinrich von Beigersdorf und seine Miterben auf das beanspruchte Patronatrecht der Kirche zu Luppa zu Gunsten des Kreuzklosters feierlich Verzicht geleistet haben.*

Lvdewicus dei gratia Thuring. landgravius, Saxon. comes palatinus et tutor marchiae Misnensis omnibus hanc paginam inspecturis. Notum esse volumus universis, quod cum illustris princeps Theodericus marchio Misnensis mansos quosdam in villa Luppe ab Ortolfo milite de Dewin, ad quem patronatus eiusdem ecclesiae pertinebat, nomine praedii comparasset et eos pro salute sua monasterio sanctimonialium sanctae Crucis cum omni utilitate et fructibus universis contulisset, et eodem O. defuncto Henricus de Beigersdorf miles cum suis coheredibus et sanguinis ratione in ipsa ecclesia ius peteret patronatus et idem monasterium proponeret ex adverso, quod ex venditione praedicti O. ius idem cum universitate transiisset, nos de consilio sapientum habitam diu litem decidimus inter eos, quod Henricus idem et auctores actionis eiusdem in provinciali placito coram nobis renunciaverunt publice omni iuri quod eis in ipsa ecclesia competere videbatur et ad abundantem cautelam Kal. Decembris anno gratiae M°. CC°. XXIII in monasterio Misnensi, cum inter dominos Cellenses et fratres de Nuzzin mediante domino Conrado venerabili Hildesemensi episcopo concordiam fecissemus, renunciationem eandem coram nobis et Misnensibus canonicis innovarunt. Unde ne monasterium supradictum super ipsa ecclesia ab aliquo in posterum valeat praegravari, pacem firmamus sub banno regio loco ipsi, praesentis scripti et sigilli nostri testimonio idem monasterium munientes. Huius rei testes sunt Meinherus praefectus Misnensis, Albertus praefectus de Dewin, Wolfwinus praefectus de Cice, Albertus praefectus de Aldenburc, Hogerus de Frideberc, Wolferus de Pesne, Otto de Ilburc, frater eius Bodo, Vlricus de Pac, frater eius Johannes, Guntherus de Zlowin, Rudegerus Borc, Rudegerus de Muschwitz et alii quam plures.

Copialb. fol. 10.